



Pou Piblikasyon Imedya: 14/10/2023

GOUVÈNÈ KATHY HOCHUL

**GOUVÈNÈ HOCHUL SIYEN LEJISLASYON KI AMELYORE LWA SOU BWASON KI GEN ALKÒL POU KONSOMATÈ YO AK PWOPRIYETÈ TI BIZNIS YO**

*Lejislasyon S.5731/A.6941 pèmèt lavant byè an detay nan jou dimanch yo*

*Lejislasyon S.2854/A.7305 elaji lè operasyon yo pou magazen alkòl ak diven yo nan jou dimanch*

*Lejislasyon S.6443/A.6135 pwolonje dire lisans yon brasè*

*Lejislasyon S.3364A/A.2902 otorize itilizasyon yon sistèm melanj ak distribisyon sou presyon*

*Lejislasyon S.3567A/A.6050A pèmèt lavant oswa òf pwomosyonèl kèk pwodui konplemantè pou diven ak bwason ki gen alkòl*

*Lejislasyon S.6993A/A.7688 konsène restriksyon sou lisans yo pou konsomasyon alkòl nan etablisman yo pou fabrikan ak gwosis bwason ki gen alkòl yo nan lokal espesifik*

Gouvènè Kathy Hochul te siyen jodi a yon pake lejislasyon ki pral amelyore lwa New York ki gen rapò ak bwason ki gen alkòl nan yon efò pou elaji opsyon pou konsomatè yo epi sipòte ti biznis New York nan sektè bwason ki gen alkòl.

"Atravè New York, brasri, distilri ak lòt biznis bwason ki gen alkòl ap kreye travay epi ogmante opòtinite ekonomik yo", **Gouvènè Hochul te deklare**. "Mwen fyè pou m siyen lejislasyon sa a ki pral modènize lwa ki gouvènè lavant bwason ki gen alkòl nan New York".

Lejislasyon S.5731/A.6941 pèmèt vann byè, idwomèl, braggot ak sid nenpòt jou nan semèn nan enkli dimanch. Lejislasyon S.2854/A.7305 pèmèt boutik alkòl ak diven yo ogmante lè dimanch yo pou yo ka ouvri a 10am epi fèmen a 10pm. Lejislasyon S.6443/A.6134 pwolonje dire valide yon lisans brasè soti nan yon ane rive twazan. Lejislasyon S.3364A/A.2902 pèmèt biznis yo prepare epi kenbe bwason ki gen alkòl nan machin ki fè presyon yo. Lejislasyon S.3567A/A.6050A pèmèt magazen an detay yo vann kado konplemantè ak atik pwomosyon ki gen rapò ak lavant diven ak bwason ki

gen alkòl (spirit). Lejislasyon S.6993A/A.7688 ajoute pasèl tè nan lis lokal ki egzante de dispozisyon lwa ki jeneralman limite fabrikan/gwosis ak detayan yo pou pataje enterè nan yon lisans alkòl.

Pake lejislasyon sa a baze sou efò Gouvènè Hochul fè pou adrese lwa demode nan New York konsènan alkòl ak lavant li nan tout eta a. Kòm yon pati nan bidjè ane fiskal 2023 a, [alkòl a anpòte](#) te etabli kòm lwa, ki pèmèt bwason a anpòte. Ane pase a, Gouvènè Hochul te [siyen lejislasyon](#) pou pèmèt etablisman sèvis tretè yo aplike pou lisans andeyò lokal yo pou sèvi alkòl nan lokal evènman yo, sipòte sèvis tretè yo ak ti biznis nan endistri ospitalite a.

**Prezidan Otorite Alkòl Eta (State Liquor Authority, SLA) a, Lily M. Fan, te deklare,** "Nou aplodi efò Gouvènè nou an ak Lejislati a kontinye ap fè pou ede ti biznis yo reyisi epi pwoteje sekirite publik lè yo abòde lwa sou alkòl ki demode yo. Avèk pake lejislatif sa a, biznis ki gen lisans nou yo pral grandi ekonomikman epi yo pral fè fas ak mwens fado gouvènman an ak kontrent lejislatif yo".

**Senatè Eta a, Sean Ryan, te deklare,** "Kòm prezidan Komite Sena a pou Komès, Developman Ekonomik ak Ti Biznis, mwen toujou sipòte refòm ki rann li pi fasil pou biznis yo opere nan New York. Mwen remèsyé Gouvènè Hochul paske li siyen pwojè lwa mwen an ak rès mezi bon sans sa yo pou vin lwa. Retire restriksyon demode tankou sa yo bon pou pwopriyetè ti biznis yo, bon pou konsomatè yo epi bon pou ekonomi an".

**Senatè Eta a, James Skoufis te deklare,** "Entèdiksyon an te prèske gen yon syèk. Pake lejislatif sa a bay lwa sou alkòl demode eta nou an novo souf nan pèmèt magazen diven ak alkòl yo louvri pou plis èdtan nan dimanch, sa ki pèmèt vann atik pwomosyonèl, ak plis ankò. Mwen remèsyé Gouvènè Hochul paske li siyen pwojè lwa sa yo epi mwen espere kontinye fè patenarya avèk li pou refòme lwa sou alkòl demode New York yo".

**Manm Asanble, Harry Bronson, te deklare,** "Mèsi Gouvènè Hochul paske w siyen pwojè lwa m nan pou ogmante lè dimanch pou boutik alkòl yo. Finalman, sa ap sipòte yon opòtinité ekonomik ki jis ak ekitab, ak magazen alkòl yo kounye a sou yon menm pye avèk ba ak restoran yo. Epi mwen pa ta ka pi kontan dèské chanjman sa a nan lwa a vini pandan sezon Bills!"

**Manm Asanble Brian A. Cunningham te deklare,** "Soti nan restoran fanmi lokal nou yo rive nan boutik alkòl kwen nou yo, lwa sou alkòl Eta New York ta dwe aliyen ak nòm modèn sou sante, sekirite ak bezwen rezidan yo. Mete ajou règleman yo ak lè magazen yo pou reflete novo reyalite yo enpòtan anpil pou byennèt biznis nou yo ak kominate yo sèvi yo. Mwen fyè pou m sipòte A2902 ak A7305, ki modènize ak amelyore distribitè alkòl epi ki sipòte vitalité ekonomik pwopriyetè ti biznis lokal nou yo".

**Manm Asanble Sarah Clark te deklare,** "Brasri agrikòl ak restoran New York yo te oblige dedye tan ak resous nan yon pwosesis renouvèlman lisans anyèl, alòske

pwodiktè lòt bwason ki gen alkòl yo oblige renouvelé lisans yo sèlman chak twazan. Mwen te fyè dèske m te pote pwojè lwa sa a pou m te ede soulaje fado ti biznis yo nan eta nou an, epi m remèsyé Gouvènè Hochul pou sipò li".

**Paul Leone, Direktè Ekzekitif Asosiyasyon Brasri Eta New York yo (New York State Brewers Association), te deklare,** "Endistri byè atizanal nan New York la se dezyèm pi gwo nan kantite total brasri nan peyi a, sa pa t ap posib si se pa t pou sipò nou jwenn nan men Gouvènè Hochul ak tout administrasyon an. Pwolonje renouvelman lisans brasri soti nan 1 rive 3 ane soulaje yon lòt fado administratif ankò sou brasri yo, epi li pèmèt yo kontinye konsantre sou yon sèl bagay yo fè pi byen, brase byè klas mondal la".

**Direktè Egzekitif Asosyasyon Restoran ak Tavèn Empire State la, Scott Wexler, te deklare,** "Nou felisite Gouvènè Hochul paske li te siyen pwojè lwa sa yo vin lwa ki modènize epi mete ajou lwa sou Kontwòl Bwason ki gen Alkòl. Mezi sa yo pral ankouraje devlopman ekonomik ak kwasans travay, espesyalman pou ti biznis ki genyen gwo majorite biznis ki pral benefisyé de chanjman sa yo", Scott Wexler, Direktè Egzekitif Asosyasyon Restoran ak Tavèn Empire State te deklare.

**Melissa Autilio, Prezidant ak Direktris Egzekitif Jeneral Asosyasyon Restoran Eta New York la, te deklare,** "Avansman teknik yo amelyore depo bwason ak ekipman melanj ki disponib pou ba ak restoran. Lejislasyon sa a mete lwa ABC Eta New York yo an akò ak teknoloji modèn. Plis ba ak restoran pral kapab byen fasil melanje bwason yo nan aparèy ki pi an sekirite epi pi byen sèvi kliyan yo. Mwen bat bravo pou Gouvènè Hochul ak Lejislati eta a paske yo adopte nouvo direktiv sa yo".

**Prezidan Asosyasyon Depanè New York, Ken Sopris, te deklare,** "Asosyasyon Depanè New York (New York Association of Convenience Stores, NYACS) felisite Gouvènè Kathy Hochul ak Lejislati a pou angajman yo pran nan mete ajou lwa sou kontwòl alkòl New York yo pou fè avanse politik ki bon pou konsomatè yo men ki responsab. Endistri depanè a apresye mizajou rezonab nan lwa a ki bay konsomatè adilt aksè san danje nan pwodwi yo. Magazen nou yo ak kliyan nou yo remèsyé Gouvènè a pou angajman li nan mete ajou politik demode yo pou modènize lwa sou alkòl nan eta nou an".

###